

Gojata de novembre

*D*e l'ivèrn sornarut
Gojata de novembre
Farem lèu espelir
Ton país de ginèstas
E de brugas en flors
Ja lo riu dormilhós
Desnosa a pro pena
Ras las rossas falguièras
Sas aigas irisidas
Coma còl de palomba
De borrihons de lana
Se son aromegats
Per flocar suadament
La dralha de las fedas
que seguissèm tots dos
Escota amont naut
Gojata de novembre
La doça simfonia
Dels grands pins flatingats
Per los arquets dels vents. . .

MAX LAFARGA

A Caudròt

lo dimarç 13 de març de 2007